



Uunga  
Anthon Frederiksen  
Inatsisartunut ilaasortaq  
Partii Naleraq

### **§ 37 naapertorlugu siusinaarlutik sulisinnaajunnaarnermusiallit pillugit aqqis- susseqqinneq pillugu apeqqummut nr. 2016-178-imut akissuteqaat**

Siusinaarlutik sulisinnaajunnaarnermusiallit pillugit aqqissusseqqinneq pillugu apeq-  
qutigisannut Naalakkersuisut qujapput.

#### **Apeqqutit**

#### **1. Siusinaartumik sulisinnaajunnaarnermut pillugit aqqissusseqqinneq juli aallaqaataaniit 2016 atuutilersoq maannamut inuiaqatigiinnut ataatsimut katillu- gu qanoq aningaasannorlugu naleqarpa ?**

Siusinaartumik pensionisiat pillugit inatsimmut nalinginnaasumik nassuiaatini aningaa-  
satigut kingunerisassat ataanni akissut atuarneqarsinnaavoq. Siusinaartumik sulisinnaa-  
junnaarnermut aqqissuuteqqinnera tamakkiisumik atuutilereerneranik naatsorsuutit  
tunnngaveqarmata erseqqissaatigineqassaaq.  
Inatsisip atuutilersinneranit ukiut tallimat qaangiunnerani inatsit tamakkiisumik atuutsin-  
neqalersimassaaq, tassalu 1. juli 2021-mi.

Siusinaartumik sulisinnaajunnaarnermut pillugit nalunaarummi allassimasut kommu-  
nit qinnuteqaatit nalilersueqqinnerillu aallaavigalugit pisussaapput suliat aallartinneqarsi-  
masut, suliarineqartut naammassineqarsimasullu pillugit naalakkersuisunut nalunaarute-  
qartarnissaminnut. Taamaasilluni siusinaarluni sulisinnaajunnaarnermut atuutsikkiartu-  
aartinneqarnera il.il. Naalakkersuisunit ingerlaavartumik malinnaaffigineqarsinnaassaaq.

#### **2. Immikkut suliani siuliani eqqartorneqartut pillugit naammagittaallioarfimmik pilersitsinissaq, tassungalu atatillugu ingerlatsinissaq qanoq akeqassava?**

Siunnersuummut nalinginnaasumik nassuiaatini atuarneqarsinnaavoq siusinaartumik  
sulisinnaajunnaarnermusiutilinnut naammagittaallioarfimmik pilersitsineq ingerlatsinerlu  
qanoq akeqassanersut, tassalu ukiumut 1.240.000 kr.-it. Aningaasat pineqartut maala-  
aruteqartarfimmi ilaasortat, maalaaruteqartarfimmi AC-mik ukiup affaa sulisartussap akis-  
sarsiassaanut kiisalu ininut aningaasartuutitut, ingerlatsinerlut angalanernullu atorne-  
qassapput.

#### **3. Akuerineqarlutik siusinaartumik sulisinnaajunnaarnermut eqqarsimasut, tigusa- takkaminnik paaaffigineqartut tamarmik nakorsamiit naliliiffigineqarsimapa- pat?**

27-07-2016  
Suliap nr.  
2016 - 11236  
Akt ID. Nr.

Postboks 260  
3900 Nuuk  
Oqarasuaat (+299) 34 50 00  
All (+299) 34 66 66  
E-mail: iian@nanoq.gl  
www.naalakkersuisut.gl

Inatsisip nutaap atuutsilersinneqarnera ilutigalugu pensionistitut ataasiakkaanut siusinaartumik sulisinnaajunaarnermusiassat nutaamik naatsorsorneqarput. Pensionisiallit ilaasa pensionisiassaminnik tiguisinnaajunnaarneranik tamanna kinguneqarsimavoq nammineq aapparisaalluunniit isertitaqarpallaarnera imaluunniit siusinaartumik pensionisiartup aapparisaatalu ataatsimoorlutik isertitaqarpallaarsimanagerat peqqutigalugit. Tamanna siusinaartumik pension-isisinnaanissamut periarfissanik arsaarinninnerunngilaq isertitatigut atugassarititani allannguutaajunnartut siusinaartumik pension-isiassat naatsorsortarnerisa allanngornerinik peqquteqarsinnaammat.

Sulisinnaassutsip naliliiffigineqaqqittarneranut tunngatillugu siusinaartumik pensionisiallit tamarmik sulisinnaassusertik ukiut tallimakkaarlugit nalilersortittartussaavaat tassungalu atatillugu nakorsamit allagartamik nutaamik tunineqartartussaallutik. Nalilersueqqinnermik nakorsap nutaamik allagartaliinerata saniatigut paasisutissat arlallit allat ilanngunneqartarput.

Tamatuma saniatigut siusinaarluni sulisinnaajunnaarsiutisisarneq pillugu inatsit kiisalu siusinaarluni sulisinnaajunnaarnerisutisisarneq pillugu nalunaarut innersuussutigineqarput.

#### **4. Nalinginnaasumik utoqqalinersiallit, aqqissuusseqqinneq nutaag malillugu aningaasatigut ajornerusumik inissimalersimasut pillugit Naalakkersuisut qanoq iliuuseqarpat/iliuuseqarniarpat?**

Siusinaartumik pensionisiat pillugit inatsisip nutaap atuutsilersikkiartornera Naalakkersuisunit malinnaaffigineqaqqissaarpoq.

Tamatuma saniatigut inatsisissatut siunnersuummut nassuiaatini oqaatigineqareerpoq siusinaartumik sulisinnaajunnaarnermusiutisiallit aningaasarsiaqarpallaartut, aapparisaat annertuallaamik isertitaqartatut imaluunniit ataatsimoorlutik isertitaqarpallaartut siusinaartumik sulisinnaajunnaarnermusiassaat apparsinnaasut imaluunniit sulisinnaajunnaarnermusisinnaajunnaarsinnaasut.

Inussiarnersumik inuulluaqqusillunga  
Med venlig hilsen

Martha Lund Olsen